

ITLF BULLETIN

A Publication by ITLF Media & Publicity Department
Initiative of Research & Preservation of the Zo Identities (RPZI)

VOLUME I/ISSUE NO 4

THURSDAY 11 MAY 2023

Updates Tuamtuam

Evacuation bawlkhit vek hisimta

Imphal a alompi a omkhawmna teng akipan singtangmite pikhiak hivek simta uhi. Zang 10 May 2023 KIC mun a meeting na ah Brigadier Souza in a gendan in Imphal akipan singtangmi 7000-8000 kikal pikhiak hi ua, Lamka lam a kipan Meiteite mi 3000-4000 vel pikhiak hita uh ahi chi hi. Camp a omkhalou mimal khat leh nih atang (stranded) a om lai leh ITLF heutute thuzak ding in theihsakna i bawl ahi.

ITLF kekletna om

Zan in ITLF sung kekletna (expansion) kibawl a, ITLF executive membrete thil tuamtuam a buailua ahih man un, a tuam a i movement toh kisai ana enkai leh ngaihtuah ding in **Steering Committee** bawl lemsakna om hi. Tua ban ah Legal lam toh kisai enkai ding **Legal Cell** le bawlkhiak ahi hi.

ITLF Media Cell center nih hon in om

ITLF nuai a Media & Publicity department pen RPZI khut a piak hi a, Media lam a hatzawksamna ding in Lamka mun ah media lam a fel leh volunteer bangzah hiamte RPZI heututen kaikhawm in ITLF Media Cell center mun nih ah hong uhi. Tuibuong lam ah KIC office leh Hiangtam Lamka ah PTC GHQ office mun ah center bawl in om hi. Veng tuamtuam leh pawl tuamtuam a information center ten hiai ITLF center tegel a information poimohte ana pe ding leh lazel ding in i kingen ahi.

Public Consultative Meeting om ding

Zan ITLF meeting neihna hun ah Public Consultative Meeting neih lemsak in om hi. Hiai hun ah i buaina ua ana mualliamte luang toh kisai bang loh ding; Lamka a Meitei inn omte bang loh ding leh maban a i kalsuan di dante uh genkhawmna hun a neih ding in lemsakna om hi. Consultative Meeting hun ding ahih leh

hong tung ding 13 May 2023, Saturday ni hi ding in lemsak hi a, a mun ding in YPA GHQ Hall, Hiangtam Lamka hi ding ahi. Thu kichian zaw a om chiang in hong ki update ding hi.

Thu zuau thehthang louh ding

Zan a ITLF toh Brigadier Souza kihoukhawmna ah thulemleng (rumours) mawk khahkhiat louh ding a deihdan gen hi. Etsakna a genna ah zan bang in Chongchin khua ah Meitei mi 3 te Kuki UG ten kaplum uh ahi chih thuthang om a Meitei mipi sousang om zek man ahih dan gen hi. Hiai thu a velchet chiang ua thuzuau ahih dan gen hi. Brig. Souza in a poimoh bangbang a ei hon panpih dia om ahihdan gen a, na buainate uh ka kiang hon tun unla kei akipan ka hih theihtheih ka hih ding a, ka hihtheihlouhte ka tung lam ate kiang a hon tutsak ding ka hi chi hi.

Relief Committee te CMC a tu uh

Relief pe ut hiam ahih kei leh Relief toh kisai dotnop nei ten Churachandpur Medical College, District Hospital ah Relief Committee in office hong a, huai mun ah va kan theih ding hi.

ZRO in consultative meeting nei

Zan in Rayburn School auditorium, New Lamka ah ZRO nuai a frontal organisation omteng in consultative meeting nei uhi. I buaina uh toh kisai maban kalsuan di dan kihoukhawmna nei uhi.

Meitei inn te bangmah lohlou phot ding

Zan a ITLF Meeting na kigen bang in consultative meeting hun a thupukna a kibawlma Meiteite veng tuamtuam a inn omte kua mah in luah hiam ahih keileh suksiatsak louh ding in gen uhi. Public Consultative Meeting a kineih chiang a hiai thu gen khawm hi ding ahih man in, huai ma bangmah loh nailou ding in ngetna bawl uhi.

ITLF Media & Publicity Department akipan theihksakna

Thu kiza dan in National Media te ah i buaina uh toh kisai interview ana pia mimal leh pawl tuamtuum akipan muh ding om a, a thugente uh i movement a dia poithei di genkha om chih thutut muh in om hi. Huchi ahih man in, i thugen uh **thakhat** ahih theihna ding in polam akipan a hongpai Journalist or Media omte ITLF Media Cell te kawkmuh zel ding in ngetna i bawl ahi. ITLF Media & Publicity Department in Media Cell kibawl a, huai ah **Media Facing Team** a tuam a kinei ahih man in, kua peuh in ITLF Media Cell te thuzak zel ding in i kingen ahi.

ITLF Media Cell contact theihna dite:

Ginza Vualzong, *Convenor* - 8826532299

Chris HL Simte, *Co-Convenor* - 9862149327

Gracy L. Haokip, *Co-Convenor* - 9366709593

Hiai **ITLF Bulletin** i sung a thu kizaktuahna dia kibawl ahi a, a poimoh hunhun a hong kisuah tou zel ding ahi. Veng tuamtuum leh pawl tuamtuum a information center ten ITLF Media Center PTC-GHQ office leh KIC Office ah hong la zel a, nou sung a ana hawmzak zel ding in i kitheisak ahi.

ITLF Media Cell zat di Laptop leh Printer kipoimoh

ITLF Media Center a zat di Laptop leh Printer condition hoih ki poimoh a, mimal hon zangsak ut i om leh ki poimoh mahmah ahi. I buaina a ven chia piakkik nawn di ahi.

RELIEF APPEAL

Tuesday 09 May 2023

We are in difficult times where we are fighting for our survival and for the protection of our land. Many of us are rendered homeless, many injured, many have lost their properties and many have given their lives for our cause.

At this juncture we need help and supports from all corners both financially and in kinds. For this ITLF have setup the Relief and Medical department. Please contact the following for any relief supports.

Mangcha Thangzom – 8837368373 (Convenor)

H. Sangpi – 8974782684

V. Gouthianmuan - 9862086583

For any financial assistance kindly send to the bank account of the convenor of the Finance and Resources department as below.

Name of account: Henkhopao Haokip

Account Number: 31779835161

IFSC Code: SBIN0015027

Gpay: 8837494202

ITLF bank account kibawl ma, Finance Secretary bank account kizang phot ahi. Internet Shutdown ahih ban a, Bank kihonlouh ziaak a ITLF bank account kibawl thei nailou ahi.

A reception desk is also available for donation at the Churachandpur District Hospital premise.

ITLF Bulletin is an initiative of the Research & Preservation of the Zo Identities (RPZI), the Media & Publicity Department of ITLF